

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
18.02.2022թ. կայացված ԱՖ855091 որոշումն անփոփոխ, իսկ վարչական բողոքն առանց
բավարարման թողնելու մասին

<<23>> 03 2022թ. 7-13- 3238

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով քաղաքացի Ալեն Մուրադյանի ՄԴ/16943-22 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

Քաղաքացի Ալեն Մուրադյանը (ծանուցման հասցե՝ քաղաք Երևան, Էրեբունի վարչական
շրջան, Արցախի փողոց, 10-րդ շենք, 86-րդ բնակարան) դիմումով խնդրել է բեկանել
Ճանապարհային ոստիկանության վարչական իրավախախտման վերաբերյալ գործով
18.02.2022թ. կայացված ԱՖ855091 որոշումը՝ նշելով, որ ուղևորի ամրագոտին ամրակապված
է եղել, համաձայն չէ որոշմամբ արձանագրված իրավախախտման հետ: Միաժամանակ
հեռախոսակապի միջոցով պնդել է դիմումում նշված հանգամանքները և խնդրել է տալ գրավոր
պատասխան:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 18.02.2022թ. կայացված ԱՖ855091 որոշումը ենթակա է կատարման
հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 123.3-րդ հոդվածի
համաձայն՝ տրանսպորտային միջոցների անվտանգության գոտիները չամրակապված կամ
սաղավարտը չկոճկած վիճակում կամ առանց սաղավարտի տրանսպորտային միջոցները
վարելը, ինչպես նաև անվտանգության գոտիները չամրակապված կամ սաղավարտը չկոճկած
կամ առանց սաղավարտի ուղևոր փոխադրելը առաջացնում են տուգանքի նշանակում՝
սահմանված նվազագույն աշխատավարձի տասնապատիկի չափով:

<<Ճանապարհային երթևեկության անվտանգության ապահովման մասին>> օրենքի 24-
րդ հոդվածի 5-րդ մասի <<բ>> կետի համաձայն՝ մեխանիկական տրանսպորտային միջոցի,
ինչպես նաև տրամվայի վարորդը, բացի սույն հոդվածի երկրորդ մասում նշվածից,
պարտավոր է՝ կառուցվածքով նախատեսված անվտանգության գոտիներով կահավորված
տրանսպորտային միջոցներով երթևեկելիս լինել ամրակապված և չփոխադրել
անվտանգության գոտիներով չամրակապված ուղևորների:

Ուսումնասիրությամբ պարզվել է, որ 18.02.2022թ. ժամը 15:00-ի սահմաններում Գյումրի
քաղաքի Օզանյան փողոցում քաղաքացի Ալեն Մուրադյանի վարած <<BMW>> մակնիշի
99XX595 հաշվառման համարանիշի ավտոմոբիլը կանգնեցվել է Ճանապարհային
ոստիկանության ՃՊԾ 2-րդ սպայական գումարտակի 2-րդ սպայական վաշտի 3-րդ
սպայական դասակի տեսուչ, ոստիկանության կապիտան Հ.Սահակյանի և նույն դասակի
տեսուչ, ոստիկանության կապիտան Ռ.Թորոսյանի կողմից՝ <<Ճանապարհային
երթևեկության անվտանգության ապահովման մասին>> օրենքի 24-րդ հոդվածի 5-րդ մասի
<<բ>> կետի պահանջի խախտման համար, այն է՝ վարորդն ավտոմոբիլով փոխադրել է

անվտանգության գոտիով չամրակապված ուղևորի: Վարչական իրավախախտումների վերաբերյալ ՀՀ օրենսգրքի 123.3-րդ հոդվածով կայացվել է վարչական իրավախախտման վերաբերյալ գործով ԱՖ855091 որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Ալեն Մուրադյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ855091 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, կամ տրանսպորտային միջոցի ընթացքը կամ տեղափոխվող բեռը, կամ վարորդը կամ ուղևորներն իրենց վարքագծով ակնհայտորեն վտանգ են ստեղծում երթևեկության անվտանգության համար: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 123.3-րդ հոդվածի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 18.02.2022թ. կայացված ԱՖ855091 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Ալեն Մուրադյանին:



Ե.Կարապետյան
Ե.Կարապետյան

21.03.2022թ.

ք.Երևան

ՀՀ ոստիկանության Ճանապարհային ոստիկանության վարչական բոլորքների քննության բաժնի ավագ տեսուչ, ոստիկանության փոխգնդապետ Հ.Կարապետյանս կազմեցի սույն տեղեկանքն այն մասին, որ 21.03.2022թ. ժամը 12:15-ին 011544783 հեռախոսահամարից զանգահարել եմ 099-00-19-09 հեռախոսահամարին՝ քաղաքացի Ալեն Մուրադյանին իր թիվ ՄԴ/16943-22 դիմումի քննարկմանը մասնակից դարձնելու նպատակով: Վերջինս հայտնել է, որ պնդում է դիմումում նշված հանգամանքները, ավելացնելու ոչինչ չունի, խնդրել է դիմումը քննարկել առանց իր ներկայության և արդյունքների մասին տալ գրավոր պատասխան:

Ճանապարհային ոստիկանության

վարչական բոլորքների քննության բաժնի

ավագ տեսուչ, ոստիկանության փոխգնդապետ՝  Հ.Կարապետյան

Տ Ե Ղ Ե Կ Ա Ն Ք

21.03.2022թ.

ք.Երևան

Կազմեցի սույն տեղեկանքն այն մասին, որ 21.03.2022թ. զանգահարել եմ ՃՈ ՃՊԾ 2-րդ սպայական գումարտակի 2-րդ սպայական վաշտի 3-րդ սպայական դասակի տեսուչ՝ ոստիկանության կապիտան Հարություն Սահակյանին և նույն դասակի տեսուչ՝ ոստիկանության կապիտան Ռոման Թորոսյանին՝ քաղաքացի Ալեն Մուրադյանի թիվ ՄԴ/16943-22 դիմումում նշված հանգամանքների վերաբերյալ պարզաբանում ստանալու նպատակով:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Ալեն Մուրադյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ 855091 որոշումը:

Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

ՃՈ ՎԲՔ բաժնի ավագ տեսուչ,
ոստիկանության փոխգնդապետ՝



Հ.Կարապետյան

100

100